

Ruang Phurh Na Man Bill Chungchanga Hriat tulte:

1. Ruang Phurh na man tur hi kan Sorkar chuan kumin 2024-25 budget ah Rs. 500 lakhs a dah a. Hei hi Social Welfare Department kaltlanga tihtura ruahman a ni.
2. Ruang Phurhna man Bill dan tur hi inkaihhraina mumal tak duan a ngai a. Sum hmanna tur a nih avangin fimkhur a ngai hle a. Minister Pu F. Rodingliana te, CM Adviser Pu TBC Lalvenchhunga te leh Department officer ten uluk takin an duang a ni.
3. MP Inthlan te anih avangin Model Code of Conduct in min phuar a, tin Cabinet approval te lak a ngaih avangin he pawisa hi hman theih a ni lawk lova. Tunah chuan Cabinet in min pawmpui tawh a, Assembly General Purpose Committee in uluk taka thlir nawnin tunah hian September ni 1, 2024 atanga hman tan tura rel fel a lo ni ta a ni.
4. A kaihhraina hi felfai taka siam a ni a, kan hriat tul tlangpui chu hengte hi a ni:
 - a) Ruangphurhna hian a hming ang hian ruang phurhna motor pakhat chauh a huam ang. Mitthi awmna hmun emaw Mizoram a lo thlenna hmun (Eg. Airport) atanga mitthi chenna in thleng a huam ang.
 - b) Ruang phurh tur hi a thlenna tur km 20 aia hnai a ni tur a ni lo. Km 20 piah lamah hi chuan tu tan pawh hman theih a ni thung ang. Motor thlen theih chin bak a huam lo bawk.
 - c) Motor hman man hi State Transport Authority, Mizoram in a fix ang hman tur a ni.
 - d) Motor hire theihah hian motor man to nuai 17 man chin chunglam a huam lo ang.
 - e) Report Form siam a ni a, hemi hi fill up a, Daktawr emaw, VC/LC President emaw Branch YMA President te hriatpuina lak tur a ni ang .
 - f) Form hi tihfel vek hnuah District Social Welfare Officer te maw Director, Social Welfare & Tribal Affairs ah thehluh tur a ni.

Kan Sorkar in mipuite harsatna chhawk zangkhai tura hetiangangilneihna a lantir hi thil lawmawm tak a ni a. Kan Governor in a budget speech ah Mizoram chu Welfare State a siam tum a nih thu a lo sawi tawh ang khan theih chin chinah mipuite tanpui tura hmalak zel a ni ang.